



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Capvt XII.

urn:nbn:de:hbz:466:1-42790

fulas. Item floruisse scribuntur sub Ludouico Alemanniæ rege, sanctus Veronus Lembecę sepultus & soror sancta Verona, quæ haud procul à Louanio quiescit. Sed examinent studiosi, num hic Ludouicus, frater sit Caroli Calui.

C A P V T X I I .

NOrtmannorum & Danorum sæuissima & diuturna vastatio per Franciam & Lotharingiam, sub hoc imperatore incepit. Anno trigésimo secundo littora Flandricatentauerunt, sed repulsi, tandem in Aquitaniam irruerunt. Anno trigésimo septimo Nortmáni, inquit Sigebertus, Gallias grauiter infestant, Dorestadum (hodie est **Wic** apud Traiectum) vastát. Andouerpam oppidum & Vuilam emporiũ, situm iuxta ostium Mosæ, incendunt: à Frisonibus & Hollandis tributum accipiunt. Anno trigésimo octauo Vualachriam insulam Zelandiæ vastant, & tributum exigunt. Anno quinquagesimo primo Gádauum ferro & igni vastauerunt, cum cœnobijs Gádensi, Blandiniensi, & Trunciniensi; Anno sexagesimo primo ditionem omnem Taruanicam incendijs, ruinis, & mortibus fœdauerunt. Lutetiam etiam Parisorum diripuerunt. Anno sexagesimo sexto, Balduinus Ferreus à rege Frácię accepit in dotem totam regionem, Scalde, Somena, & Oceano terminatam: & appellatus est Comes regni Francorum, atque Marchio Flandriarum, ad hoc maxime, vt aduersum Danos, omnemque septentrionis barbariem, perpetuus foret regni Galliarum propugnator. Et Ebbo Remorum pontifex, ad
confir-

*Tertia
Belgarum
vastatio
per Nort-
mannos.*

confirmandam Flandriæ pacem, vtque ferocis
 gentis animi cultu religionis mollescerent, diui
 Donatiani corpus in Flandriam misit. Eodem
 anno Carolus rex, quo plures haberet quos Danis
 Normannisque, tam efferis hostibus, opponeret,
 Hollandiam quoque Comitatus honore decora-
 uit, primumque Comitem instituit Theodoricum
 Frisium. Quicquid autem nunc in Belgio nostro
 est, id tunc partim Franciæ, partim Lotharingiæ
 annumerabatur. Nortmanni itaque ferme per cen-
 tum annos, hæc loca vastarunt ferro & igni, atque
 anno potissimum octingentesimo octuagesimo per
 Gandauum, vbi hyemarunt, tanto numero & cru-
 delitate irruerunt, vt totius Galliæ vires non
 sufficerent ad obsistendum. Occisa sunt eo anno
 nouem millia Normannorum in sylua Carbona-
 ria. sed ea victoria magis sunt irritati, quam victi.
 Vnde adiunctis sibi Danis ferro & igni deuasta-
 runt, Ambianos, Atrebatum, Corbeiam, Camera-
 cum, Taruanam, fines Morinorum, Menapiorum
 & Brachatorum, omnem terram circa Scaldim,
 totam Batuam, Neomagum, Coloniam, Aquisgra-
 num, Leodium, Traiectum, Tungros, Treuiros,
 Metas, cum omnibus adiunctis castellis, & mona-
 sterijs. Qua vastatione compulsi Franci Carolum
 Caluum imperatorem in auxilium inuocarunt,
 ei que Franciam subiecerunt. Ipse contra Nor-
 mannos apud Louanium castra metatos, semel &
 bis exercitum misit, sed nihil dignum fecit, imò à
 Louanio exeuntes anno octuagesimo septimo
 Parisios obsederunt, cumque Carolus eos expel-
 lere nequiret, icto foedere, concessit eis Neu-
 striam,

friam, quæ ab eis Normannia appellata est, sed nec ea habita à depopulationibus cessarunt.

In eo luctuosissimo statu clerus, & monachi, cum sanctimonialibus, exustis, ac depopulatis suis monasterijs, vbi poterant oportunius latebant. vt, Traiectensis clerus in Petri monte: aut de locis ad loca peregrinabantur, vt, Gandense monasterium. Sanctorum etiam corpora, & pignora, aut humni defodiebant, aut ad tutiora loca transferebant. Tunc ex Gemetico Haspras allata sunt corpora sanctorum Aichadri & Hugonis, ex Fontanella Bononiam corpora sanctorum, Vuangregisili, Ansberti, & Vulfranni, postmodum Gandauum translata. Ad Bertinicum monasterium aduecta sunt corpora sanctorum Richarij & Vualerici, sed restituta, postquam annis nonaginta octo ibidem remanserant: ex Inda verò Rothornacum transportatum est corpus sancti Hermetis. Quædam autem loca patrocinio præsentium sanctorum sunt custodita. Sed ex Turmino oppido iussit Deus propter inhabitantium iniquitatem reliquias sancti Fredegandi alibi transportari, vt nullum esset contra desolationem obstaculum. Quibus sublatis, velut muro & turribus ciuitatis destructis, irruit inimica gens, cuncta ædificia incendio perdidit, homines autem partim trucidauit, partim captiuos abduxit. Hodie pagus est haud procul ab Antuerpia, dictus **Doozne.**

Morinis clarebat sanctus Fulquinus episcopus. qui anno quadragesimo tertio corpus sancti Audomari, metu Normannorum, sollicitus in terra
recon-

recondidit. Ei anno quinquagesimo quinto succedit sanctus Humfridus, qui à Normánis sede pulsus Nicolaum primú consuluit, num reuertédum sibi esset ad ecclesiá. Erat etiam in Bertinico monasterio sanctus Grimbaldus Tornacensis, qui in Anglia abbas obiit, anno nongentesimo tertio.

Ultraiectésis episcopus erat sanctus Radbodus qui propter Traiecti desolationem Dauentriæ resedit: Traiectum autem per successorem restaurandum fore, spiritu prophetico præuidit.

Per eosdem nonnulli etiam martyrio sunt coronati: vt in Frisia sanctus Vualtfridus, cum Radfrido, & Theracia: in Hollandia sanctus Ieron: in Brabantia Fredegerus presbyter, qui Lyrae crudeliter, in altari sacrificans, peremptus est: in Hasbania, sanctus Libertus, qui euerfa Mechlinia, ad sancti Trudonis monasterium confugerat. vbi ante altare cum socio est occisus: in Artesia, ad sanctum Bertinum Vuocardus & Vuinebaldus presbyteri, Gerardus & Regenardus diaconi, qui ad monasterij custodiam relictí, exusto sacro loco, exquisitis cruciatibus sunt interfecti: Nouiomi in vrbis direptione occisus est Emino episcopus.

Sanctus Meingoldus autem Huij occisus est, circa annú nongentesimú, sed non à Nortmannis.

CAPVT XIII.

*Quarta
vastatio
Hungarorum.*

Nondum extincta Nortmannorum vastatione, Hungarorum gens barbara, mortuo Arnulpho imperatore, per totam Italiam, Germaniam, & Galliam, vt fera tempestas diffunditur; anno